

Pastikan anda tidak terbeban dengan cabaran dalam kehidupan

Takaful Lifestyle Protector Plus



Manfaat-manfaat yang dibayar di bawah sijil yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi FWD Takaful atau PIDM (layari www.pidm.gov.my).

FWD Takaful Berhad ialah ahli PIDM.

▶ Takaful LifeStyle Protector Plus

“Kini anda boleh memiliki perlindungan kewangan semasa menghadapi cabaran hidup”

Anda tidak boleh menjangka bila peristiwa kehidupan seperti kematian atau hilang upaya akan berlaku. Walau bagaimanapun, dengan **Takaful LifeStyle Protector Plus**, anda dan keluarga anda boleh menguruskan beban kewangan dengan lebih baik.

- Takaful LifeStyle Protector Plus ialah pelan takaful keluarga dengan sumbangan berkala. Pelan ini akan membantu anda dan keluarga dalam menangani bebanan kewangan apabila berlaku Kematian atau Hilang Upaya Penuh dan Kekal (HUPK). Selain itu, pelan ini juga membantu mengurangkan bebanan kewangan apabila anda didiagnosis dengan mana-mana daripada 36 Penyakit Kritikal (CI)¹.
- Bukan itu sahaja, jika Sijil Takaful anda masih berkuatkuasa apabila matang, Nilai Akaun² anda (jika ada) akan dibayar kepada anda.

¹ Sila rujuk jadual pada halaman 3 untuk senarai 36 Penyakit Kritikal yang dilindungi.

² Nilai Akaun anda di dalam Dana Peserta.

Kenapa memilih Takaful LifeStyle Protector Plus?

Manfaat Kematian

Sekiranya berlaku kematian dan anda telah membuat penamaan, penama (atau penama-penama) anda akan menerima Jumlah Dilindungi dan Nilai Akaun anda (jika ada).

Manfaat Hilang Upaya Penuh dan Kekal (HUPK)

Sekiranya berlaku HUPK, Jumlah Dilindungi dan Nilai Akaun anda (jika ada) akan dibayar³.

Manfaat Penyakit Kritikal

Apabila anda menghidap atau didiagnosis dengan mana-mana Penyakit Kritikal yang tersenarai di bawah pelan ini, Jumlah Dilindungi dan Nilai Akaun anda (jika ada) akan dibayar.

Manfaat Kematangan

Nilai Akaun anda (jika ada) akan dibayar apabila sijil anda matang ketika sijil anda masih berkuatkuasa. Walau bagaimanapun, tiada jumlah yang dibayar daripada Dana Risiko Peserta.

Potensi Pengagihan Lebihan

Anda layak menerima lebihan yang boleh diagih (jika ada) daripada Dana Risiko Peserta yang akan diperuntukkan setiap tahun ke dalam Nilai Akaun anda.

Maklumat Cukai Pendapatan

Manfaat yang dibayar di bawah pelan ini adalah bebas cukai dan sumbangan mungkin layak menerima pelepasan cukai di bawah Akta Cukai Pendapatan 1967. Sila semak dengan penasihat cukai anda tentang kelayakan cukai anda. Kelayakan ini tertakluk pada keputusan muktamad oleh Lembaga Hasil Dalam Negeri.

³ Perlindungan HUPK hanya terpakai apabila HUPK berlaku sebelum ulang tahun Sijil Takaful selepas hari lahir ke-65 Orang Dilindungi. Tertakluk terma dan syarat.

Senarai 36 Penyakit Kritikal yang dilindungi di bawah Takaful LifeStyle Protector Plus

1. Serangan Jantung
2. Strok atau angin ahmar
3. Kanser
4. Penyakit Arteri Koronari
5. Pembedahan Aorta
6. Transplan Organ Utama/ Sumsu Tulang
7. Pembedahan Injap Jantung
8. Koma
9. Kelumpuhan Anggota
10. Sklerosis Multipel
11. Kegagalan Buah Pinggang
12. Hepatitis Viral Fulminan
13. Hipertensi Arteri Pulmonari Primer
14. Buta – Kekal dan tidak boleh pulih
15. Pekak – Kekal dan tidak boleh pulih
16. Hilang Keupayaan Bertutur
17. Kelecuran Tahap Ketiga
18. Trauma Kepala Major (teruk)
19. Penyakit Terminal (Membawa Maut)
20. Tumor Otak Benign
21. Penyakit Parkinson
22. Jangkitan HIV Melalui Transfusi Darah
23. Kegagalan Hati Tahap Akhir
24. Penyakit Paru-paru Tahap Akhir
25. Penyakit Neuron Motor
26. Penyakit Alzheimer/Demensia Teruk
27. Pembedahan Otak
28. Kehilangan Upaya Hidup (Berdikari)
29. Ensefalitis
30. Sindrom Apalik
31. Poliomiellitis
32. Penyakit Sistik Medular
33. Kardiomiopati
34. Distrofi Otot
35. Anemia Aplastik Kronik
36. Meningitis Bakteria

Setiap Penyakit Kritikal (CI) yang disebutkan ini mempunyai definisi perubahan yang disenaraikan dalam Sijil anda. Untuk senarai penuh Penyakit Kritikal (CI) yang dilindungi, sila rujuk Sijil anda.

Ingin tahu lebih lanjut?

- Hubungi** 1 300 80 2626
Klik hsbcamanah.com.my
Kunjungi cawangan HSBC Amanah berhampiran anda

Maklumat Lain

Kelayakan

Anda boleh menyertai pelan ini jika anda berumur antara 18 hingga 60 tahun.

Sumbangan yang Diperlukan dan Tempoh Sijil Takaful

Anda boleh membayar sumbangan secara bulanan, suku tahunan, setengah tahunan atau tahunan. Anda juga boleh pilih tempoh perlindungan antara 10 hingga 35 tahun mengikut keperluan kewangan dan perlindungan anda.

Sekiranya anda berhenti membayar sumbangan berkala dan Nilai Akaun anda masih mencukupi, kami akan menggunakan amaun Nilai Akaun ini untuk membayar Tabarru' bulanan dan caj wakalah perkhidmatan bulanan sehingga Nilai Akaun anda habis dan perlindungan Takaful akan tamat.

Dana Peserta

Dana Peserta adalah dana pelaburan yang diurus dan ditadbir oleh Pengendali Takaful untuk Sijil Takaful ini. Sumbangan yang anda berikan, selepas ditolak Yuran Wakalah akan diperuntukkan ke dalam Dana Peserta. Risiko pelaburan Dana Peserta ini akan ditanggung sepenuhnya oleh anda dan sebarang keuntungan atau kerugian akan ditunjukkan dalam Nilai Akaun anda. Pulangan pelaburan Dana Peserta adalah berdasarkan prestasi sebenar dan tidak dijamin. Sebagai ganjaran untuk mengurus dan mentadbir Dana Peserta, Pengendali Takaful berhak mendapat insentif bersamaan 30% daripada apa-apa keuntungan berkaitan dengan Dana Peserta.

Dana Risiko Peserta

Tabarru' bulanan ditolak dari Nilai Akaun anda dan dipindahkan ke Dana Risiko Peserta yang mana manfaat perlindungan dibayar. 50% daripada lebihan boleh agih akan diagihkan di kalangan peserta yang layak dan bahagian anda akan diperuntukkan ke dalam Dana Peserta anda pada setiap tahun. Baki akan diagihkan kepada Pengendali Takaful sebagai ganjaran untuk mengurus dan mentadbir Dana Risiko Peserta.

Penyerahan

Jika anda menyerahkan sijil anda, Nilai Akaun anda akan dibayar (jika ada). Tiada jumlah yang dibayar daripada Dana Risiko Peserta. Perlindungan di bawah Sijil Takaful ini akan tamat dan amaun yang dibayar kepada anda mungkin kurang daripada jumlah sumbangan yang anda telah bayar.

Yuran dan Caj

Caj berikut terpakai kepada kedua-dua pelan ini:

Penerangan	Yuran dan Caj
Yuran Wakalah	Sebahagian daripada Yuran Wakalah akan digunakan untuk membayar komisen kepada perantara. Yuran Wakalah yang dikenakan adalah antara 5% hingga 40% daripada sumbangan. Yuran yang sebenar bergantung pada tahun dan tempoh yang dipilih.
Caj Wakalah Perkhidmatan	RM15 sebulan bagi tahun pertama dan RM4 sebulan bagi tahun-tahun berikutnya, tertakluk pada cukai yang dikenakan ke atas yuran. Caj ini akan ditolak setiap bulan terlebih dahulu daripada Nilai Akaun anda.
Tabarru' Bulanan (Derma)	Tabarru' akan ditolak setiap bulan terlebih dahulu daripada Nilai Akaun anda. Kadar Tabarru' adalah tidak tetap dan berdasarkan umur yang dicapai oleh Orang Dilindungi.
Duti Setem	Duti setem berjumlah RM10 akan dikenakan sekali sahaja bersama sumbangan pertama anda.

Sila rujuk Ilustrasi Manfaat yang disediakan dan dapatkan nasihat Pengurus Perhubungan kami tentang yuran dan caj yang tertentu.

Pengendali Takaful boleh menyemak semula yuran dan caj, dan kami akan memberikan notis bertulis sekurang-kurangnya 3 bulan kepada anda.

Pengecualian

Hanya Nilai Akaun (jika ada) akan dibayar apabila berlaku kematian disebabkan oleh bunuh diri, tanpa mengambil kira keadaan mental orang yang dilindungi, dalam tempoh 12 bulan selepas tarikh sijil dikeluarkan atau tarikh sijil dihidupkan semula, yang mana lebih kemudian.

Manfaat HUPK tidak akan dibayar berkaitan dengan sebarang keadaan/kecederaan/peristiwa yang secara langsung atau tidak langsung disebabkan oleh percubaan membunuh diri, kecederaan atau penyakit yang dilakukan sendiri, khidmat ketenteraan, perbuatan jenayah, aktiviti penerbangan persendirian, alkohol atau penyalahgunaan bahan, perlumbaan dan aktiviti berbahaya seperti, tetapi tidak terhad, kepada geluncur angin, mendaki gunung dan aktiviti-aktiviti yang seumpama dengannya.

Manfaat Penyakit Kritikal tidak akan dibayar disebabkan oleh:

- Keadaan yang sedia ada⁴
- Sebarang keadaan, kecederaan atau peristiwa yang secara langsung atau tidak langsung disebabkan oleh percubaan membunuh diri, kecederaan atau penyakit yang dilakukan sendiri, khidmat ketenteraan, perbuatan jenayah, aktiviti penerbangan persendirian, alkohol atau penyalahgunaan bahan, perlumbaan dan aktiviti berbahaya seperti, tetapi tidak terhad, kepada geluncur angin, mendaki gunung dan aktiviti-aktiviti yang seumpama dengannya.

Sila ambil perhatian bahawa senarai pengecualian ini tidak lengkap dan sila rujuk kepada Sijil Takaful untuk senarai penuh pengecualian.

⁴ *Sebarang keadaan, penyakit, atau kecederaan jika terdapat sebarang manifestasi, diagnosis atau rawatan keadaan, penyakit atau kecederaan tersebut sebelum tarikh sijil dikeluarkan atau tarikh sijil dihidupkan semula, yang mana lebih kemudian.*

Nota Penting

Anda perlu berpuas hati bahawa pelan yang anda mahu sertai boleh memenuhi keperluan anda dan sumbangan yang dinyatakan untuk pelan ini adalah jumlah yang anda mampu bayar.

Anda boleh meneliti kesesuaian pelan dan membatalkan penyertaan anda dalam tempoh 15 hari selepas tarikh penghantaran Sijil Takaful (“tempoh percubaan”) kepada anda. Jika anda membatalkan sijil anda dalam tempoh percubaan, FWD Takaful Berhad, No. Pendaftaran 200601011780 (731530-M) (“Pengendali Takaful”) akan membayar balik jumlah sumbangan anda (jika ada), tolak sebarang yuran pemeriksaan perubatan. HSBC Amanah Malaysia Berhad 200801006421 (807705-X) (“HSBC Amanah”) percaya adalah penting untuk anda benar-benar menghargai dan memahami semua manfaat dan caj yang terdapat dalam Sijil Takaful anda.

Pelan ini diuruskan oleh FWD Takaful Berhad dengan tempat perniagaan utama di Tingkat 29 Menara Shell, 211 Jalan Tun Sambanthan, Brickfields, 50470 Kuala Lumpur. FWD Takaful Berhad dilesenkan di bawah Akta Perkhidmatan Kewangan Islam 2013 dan dikawal selia oleh Bank Negara Malaysia. HSBC Amanah Malaysia Berhad 200801006421 (807705-X) adalah perantara dalam pengagihan pelan ini di Malaysia dan mungkin diberi imbuhan atau dibayar komisen oleh FWD Takaful Berhad. Produk dan perkhidmatan yang dirujuk dalam risalah ini ditawarkan di Malaysia sahaja.

Penggunaan Maklumat dan Bahan

Maklumat yang terkandung dalam brosur ini bukan bertujuan untuk memberi nasihat profesional. Anda perlu mendapatkan nasihat profesional yang sesuai jika perlu.

Brosur ini adalah untuk maklumat am sahaja dan tidak boleh dianggap sebagai kontrak Takaful dan tiada pertimbangan diberikan kepada keadaan atau keperluan tertentu mana-mana individu. Anda perlu membaca Risalah Pemberitahuan Produk dan Ilustrasi Manfaat untuk maklumat lanjut dan Sijil Takaful untuk Terma dan Syarat yang lengkap bagi pelan ini.

Tiada jaminan

Walaupun segala perhatian telah diambil dalam menyediakan maklumat dan bahan yang terkandung dalam brosur ini, maklumat dan bahan tersebut disediakan "sebagaimana adanya" tanpa sebarang waranti, sama ada tersurat mahupun tersirat. Khususnya, tiada waranti tentang bukan pelanggaran, keselamatan, ketepatan, kesesuaian untuk sesuatu tujuan diberikan berkaitan dengan maklumat dan bahan tersebut.

Had liabiliti

Setakat yang dibenarkan oleh undang-undang, HSBC Amanah tidak akan bertanggungjawab terhadap sebarang kerosakan, termasuk tanpa had terhadap kerosakan langsung atau tidak langsung, khas, sampingan atau lanjutan, kerugian atau perbelanjaan yang timbul berkaitan dengan brosur ini atau penggunaannya.

